

— Լ Ր Ա Տ Ո Ւ — ХРОНИКА

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԳԵՄԻԱՅԻ
ՀՈՐԵԼՅԱՆԱԿԱՆ ԸՆԴՀԱՆՈՒՐ ԺՈՂՈՎՐ

Նոյեմբերի 12—13-ին կայացավ Հայկական ՍՍՀ գիտությունների ակադեմիայի ընդհանուր ժողովը, որը նվիրված էր Հայաստանում սովետական իշխանության հաստատման և Հայաստանի կոմունիստական կուսակցության հիմնադրման 50-ամյակին:

Հորեկանական ժողովին մասնակցելու էին եկել կուսակցության և կառավարության ղեկավարները, ՀՍՍՀ ԳԱ ակադեմիկոսներ և քղրակից-անդամներ, ակադեմիայի գիտահետազոտական հիմնարկների աշխատողներ, բուհերի դասախոսներ, ինչպես նաև ՍՍՀՄ և միութենական հսկրապետությունների գիտությունների ակադեմիաների պատվիրակներ:

Ժողովը ներածական խոսքով բացեց Հայկական ՍՍՀ գիտությունները ակադեմիայի պրեզիդենտ, ակադեմիկոս Վ. Հ. Համբարձումյանը:— Հայաստանում գիտությունը իսկական բարգավաճում ապրեց միայն Հոկտեմբերյան սոցիալիստական հեղափոխությունից հետո,— ասաց նա:— Միայն սովետական իշխանության օրոք աշխատասեր և տաղանդավոր հայ ժողովուրդը ստացավ գիտության ու մշակույթի զարգացման անսահման հնարավորություններ: Հայ գիտնականները, լինելով սովետական գիտության առաջավոր դիրքերում, զգալի ավանդ են ներդնում գիտատեխնիկական առաջադիմության տնայերը արագացնելու և ժամանակակից գիտության նվաճումները երկրի ժողովրդական տնտեսության մեջ արմատավորելու ասպարեզում:

Այնուհետև ողջույնի խոսքով հանդես եկավ Հայաստանի կոմկուսի Կենտկոմի առաջին քարտուղար ընկ. Ա. Ն. Քոչինյանը: Ողջունելով ժողովի բոլոր մասնակիցներին, և ի դեմս նրանց հանրապետության բոլոր գիտական աշխատողներին, ընկ. Քոչինյանը Հայաստանի կոմկուսի Կենտկոմի, Հայկական ՍՍՀ Դերագույն սովետի նախագահության և Հայկական ՍՍՀ Մինիստրների սովետի անունից գիտական աշխատողներին նորանոր հաջողություններ ցանկացավ հանուն հայրենի գիտության հետագա վերելի:

Հորեկանական ժողովում ելույթ ունեցավ ՍՍՀՄ գիտությունների ակադեմիայի վիցե-պրեզիդենտ, ակադեմիկոս Մ. Դ. Միլիոնշչիկովը, որը ՍՍՀՄ գիտությունների ակադեմիայի նախագահության, պրեզիդենտ Մ. Վ. Կելդիշի, սովետական բոլոր գիտնականների անունից Հայաստանի պանծալի հորեկյանի կապակցությամբ ջերմ ու սրտագին շնորհավորանքներ հղեց հանրապետության գիտնականներին և բոլոր աշխատավորներին: Նա բարձր գնահատական տվեց հայ գիտնականների աշխատանքներին և վստահություն հայտնեց, որ ՍՍՀՄ գիտությունների ակադեմիայի և միութենական հանրապետությունների գիտությունների ակադեմիաների գիտնականների հետ հայ գիտնականների ստեղծագործական սերտ բարեկամությունը կօգնի լուծելու ժամանակակից գիտության բարդ պրոբլեմները:

«Գիտության զարգացումը Սովետական Հայաստանում» զեկուցմամբ հանդես եկավ ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանը^{*}։

Ընդհանուր ժողովի երկրորդ նիստում լսվեցին գիտական էրեֆ զեկուցումներ։ «Կոմունիստական կուսակցության կազմավորումը և սովետական իշխանության հաղթանակը Հայաստանում» թեմայով զեկուցեց Հայաստանի գիտությունների ակադեմիայի պատմության ինստիտուտի դիրեկտոր, պատմական գիտությունների դոկտոր, պրոֆ. Գ. Ա. Գալոյանը։

«Հայաստանի հանգային ռեսուրսները և նրանց ընդլայնման ուղիները» զեկուցումով հանդես եկավ Հայկական ՍՍՀ ԳԱ վիցե-պրեզիդենտ Ս. Ս. Մկրրտչյանը։

Հայաստանում էլեկտրոնային հաշվողական տեխնիկայի ստեղծման աշխատանքների մասին զեկուցեց մաթեմատիկական մեքենաների գիտահետազոտական ինստիտուտի դիրեկտոր Ֆ. Տ. Սարգսյանը։

Սովետական Հայաստանի հոբելյանի առթիվ գիտության աշխատողներին ողջունեցին եղբայրական հանրապետությունների գիտությունների ակադեմիաների պատվիրակությունների ղեկավարները՝ Վրացական ՍՍՀ ԳԱ վիցե-պրեզիդենտ Խ. Խ. Դվալին, Ուկրաինական ՍՍՀ ԳԱ վիցե-պրեզիդենտ Ա. Ա. Սմիրնովը, Կիրգիզական ՍՍՀ ԳԱ ակադեմիկոս Կ. Խ. Խիսկուլովան, էստոնական ՍՍՀ ԳԱ գլխավոր գիտական ֆարտուղար Վ. Ա. Մաամյագին, Մոլդավական ՍՍՀ ԳԱ նախագահության գիտական ֆարտուղար Գ. Վ. Զալիհը, Տաջիկական ՍՍՀ ԳԱ ֆիզիկայի ինստիտուտի դիրեկտոր Ա. Ա. Ադիսամովը, Թուրքմենական ՍՍՀ ԳԱ ակադեմիկոս Օ. Ն. Մամեդնիյազովը, որոնք ջերմ ողջույններ և բարեմաղթություններ հղեցին հայ գիտնականներին ու նորանոր հաջողություններ ցանկացան նրանց։

Ընթերցվեցին միութենական հանրապետությունների գիտությունների ակադեմիաներից ստացված ողջույնի բազմաթիվ հեռագրեր։

Ա. ԲԱՐՍԵՂՅԱՆ

^{*} Ակադեմիկոս Վ. Հ. Համբարձումյանի զեկուցումը տպագրվում է «Հանդեսի» այս համարում։— ԽՄՐ։